



Na osnovu Odluke o komunalnom redu („Službeni glasnik općine Breza“, broj: 1/19), a vezi „Programa obavljanja komunalnih usluga zajedničke komunalne potrošnje u periodu od 16.03.2025. do 15.03.2026. godine“, u cilju očuvanja uredenosti, sigurnosti i estetskog izgleda ulica i naselja, pozivaju se svi vlasnici i korisnici nekretnina na području općine Breza čije se parcele nalaze uz javne površine, da postupe u skladu sa važećim komunalnim propisima.

JAVNI POZIV za održavanje ograda, kapija, međa i drugih površina uz javne površine

I (Obaveze građana)

Svi vlasnici i korisnici nekretnina uz javne površine, bez obzira na pravni status (fizička ili pravna lica) dužni su redovno i savjesno:

- Održavati ograde u ispravnom stanju i bez elemenata koji ometaju javni prostor.
- Vrtove, voćnjake i druge slične površine, bez obzira da li su ograđene ili ne, dužni su održavati urednim i funkcionalnim. Površine moraju biti uređene, pokošene, bez otpada, rastinja, grmlja ili drugog materijala koji bi narušavao opći izgled ulice ili naselja.
- Održavati svoje međne linije, međe i prijelaze prema javnim površinama. To uključuje: uklanjanje grana, suhog drveća, grmlja i drugog rastinja koje iz privatnih parcela prelazi na javne površine, kao i sprječavanje urušavanja ograda, zidova i potpornih konstrukcija prema javnim putevima, trotoarima i zemljištu.
- Izvršiti redovno orezivanje, skraćivanje i održavanje drveća, posebno onih stabala čije krošnje ili grane predstavljaju prijetnju za sigurnost ljudi, saobraćaja i objekata. Posebnu pažnju potrebno je obratiti na stabla koja:
 - imaju nagnute, trule ili suhe grane,
 - rastu uz putne komunikacije, trotore, ili nad infrastrukturnim instalacijama (vodovi, rasvjeta itd.),
 - mogu usljed velikog vjetrova, snijega ili oluje izazvati štetu na objektima, vozilima ili ugroziti prolaznike.

II (Obaveze Općine Breza)

Rješenjem Općinskog načelnika, broj: 01/2-04-292/2025 od 05.02.2025. godine, formirana je Komisija za procjenu stanja stabala na javnim površinama općine Breza, a na osnovu glavne javne rasprave Nacrta „Programa obavljanja komunalnih usluga zajedničke komunalne potrošnje u periodu od 16.03.2025. do 15.03.2026. godine“, održane 03.02.2025. godine.

Zadaci komisije su bili ustanoviti opravdanost zasađenih stabala na javnim površinama, te njihov uticaj po život i zdravlje ljudi, instalacije komunalne infrastrukture, stabilnost okolnih objekata, bezbjednost i preglednost saobraćaja, vegetativno stanje i eventualno odstranjivanje dijelova stabla ili uklanjanje u cjelosti, a potom sačinjavanje zapisnika o činjeničnom stanju i dostavljanje istog nadležnoj Službi za prostorno uređenje, zaštitu okoliša, geodetske i imovinsko-pravne poslove Općine Breza.

Kako je navedeni zapisnik sastavni dio „Programa obavljanja komunalnih usluga zajedničke komunalne potrošnje u periodu od 16.03.2025. do 15.03.2026. godine“, a istim su definisane intervencije koje je neophodno izvršiti na stablima u pojedinim ulicama, shodno tome JP „Komunalno“ d.o.o. Breza je dužno u tekućoj godini izvršiti potrebne radove.

III

(Rok za postupanje)

Pozivaju se svi građani da u roku od 15 dana od dana objave ovog poziva usklade stanje svojih parcela, ograda i površina uz javne površine, s posebnim akcentom na orezivanje drveća koje može predstavljati rizik usljed vremenskih nepogoda, te ozbiljne posljedice po sigurnost ljudi i imovine.

Nakon isteka roka, nadležna inspekcija Općine Breza će izvršiti pojačani inspekcijski nadzor na terenu.

U slučaju nepostupanja, biće pokrenute zakonom propisane upravne i prekršajne mjere.

Za dodatne informacije građani se mogu obratiti Službi za finansije, inspekcijske poslove i opću upravu – općinskoj inspekciji, svakim radnim danom od 07:30 do 16:00 sati.

Obrađivač:
Elsada Šehović

Broj: 01/2-04-2167/2025
Breza, 16.07.2025. godine

Općinski načelnik

Vedad Jusić

Dostavljeno
1x Radio Breza
1x Info pult
1x Oglasna ploča Općine Breza
1x web starnica Općine Breza
1x Općinska inspekcija
1x a/a